

知戰非保生之道早已謂宜早止

黃茂材曰兵強者必敗物壯者必老皆爲非道不能長存
程大昌曰使哀詔而棄輪臺在未築朔方之前則文景之富
庶不虛耗矣

夫佳兵章第三十一

夫佳兵者不祥之器物或惡之故有道者不處

御註曰吉事有祥兵凶器也故曰不祥兵戢而時動有道者
耀德不觀兵故不處

穎濱蘇轍曰以之濟難而不以爲常是謂不處

達真子曰佳兵者兵之善者也佳兵者不祥之器言其驚異

道藏輯要

道德真經
彭鶴林集註

三

心集七
川上三

於常矣以佳兵驚異於常雖飛潛竄伏之物猶且惡而避之
而況有道者乎故曰物或惡之故有道者不處言不處心於
此也

是以君子居則貴左用兵則貴右兵者不祥之器非君子之器
不得已而用之恬淡爲上故不美也若美必樂之樂之者是樂
殺人也樂殺人者不可得志於天下矣

御註曰左爲陽而主生右爲陰而司殺陽爲德陰爲刑君子
貴德而畏刑故曰恬淡爲上無心於勝物則兵非所樂也故
不美國君好仁天下無敵安其危而利其菑樂其所以亡者
怨之所歸禍之所集也

臨川王安石曰夫戰非得已也非得已則雖勝猶不足以爲善勝而爲善者樂致人於死矣此所以不嗜殺人者能一之是也

道真仁靜先生曹道沖曰左陽也陽好生右陰也陰主殺老子再言不祥之器是戒用兵

黃茂材曰有道之世民各安其居樂其業物無有害之者何嘗識兵革當是時也有人言兵豈不惡之指爲不祥之器至於不得已而用之志在恬淡非樂於殺人此其與吾養生之說有以異乎無以異乎

吉事尚左凶事尚右是以偏將軍處左上將軍處右言居上勢

道藏輯要

道德真經
彭鶴林集註

三

心集七
川文文

則以喪禮處之殺人眾多以悲哀泣之戰勝以喪禮處之

御註曰易以師爲毒天下雖戰而勝必有被其毒者故居上勢與戰勝者以喪禮處之

碧虛子陳景元曰左爲陽主生故居常則尚左吉也右爲陰主死故喪禮則尚右凶也禮記檀弓曰孔子與門人立拱而尚右二三子亦皆尚右孔子曰二三子之嗜學也我則有姊之喪故也二三子皆尚左夫上將軍專殺則處右偏將軍不專殺故處左言用兵之道同於喪禮尚右今上將軍居右者是以喪禮處置之爾

道真仁靜先生曹道沖曰兵行卽殺非喪者何

葉夢得曰易以聰明睿智而不殺者謂之神武季康子問如
殺無道以就有道孔子告之曰子爲政焉用殺夫雖無道而
亦不可殺戰勝而處以喪禮宜也

黃茂材曰夫兵之不可去者以盜賊敵國之爲人害非兵不
除而不善用者殺人之禍乃甚於盜賊敵國故此凡三致意
焉皆戒於用兵而不及於盜賊敵國然則有道之士虛無恬
淡無所慕悅又何慮於外物聲色之慾有以害吾也哉

道常無名章第三十二

道常無名樸雖小天下莫能臣侯王若能守萬物將自賓天地
相合以降甘露人莫之令而自均

道藏輯要

道德真經
彭鶴林集註

三

心集七
XOII

御註曰道者天地之始豈得而名樸以喻道之全體形名而
降大則制小道之全體不離於性小而辨物莊周所謂其有
真君存焉道足以爲物之主則物自賓服萬物而不以威刑
幾是已純素之道守而勿失匪特物將自賓上際於天下蟠
於地上下與天地同流則交通成和而萬物咸被其澤甘露
者天地之和氣傳曰帝王之德上及太清下及太甯中及萬
靈則甘露降

涑水司馬光曰侯王守道則物服氣和民化

穎濱蘇轍曰樸性也道常無名則性亦不可名矣故其爲物
舒之無所不在而斂之不盈毫末此所以雖小而不可臣也